

رؤوس شيبان و رؤوس عليها التيجان | " من أروع ما قال الشيخ عن حفظ القرآن " | د. حازم شومان

حازم شومان

اللهم بارك. سلام عليكم ورحمة الله وبركاته. الحمد لله وكفى وصلاة وسلاما على عباده الذين اللهم لك الحمد كله ولك الملك كله. وبيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم - [00:00:00](#)

وسلم في الاولين والآخرين وفي كل وقت اما بعد اخواتنا الكريمات الفاضلات المباركات معلمات القرآن ومعلمات اطفال والمحفظات والدادات ربنا يبارك فيكم وربنا يحفظكم جميعا. وربنا ينصر بكم الاسلام. انا عايز يعني اقول لكم احنا جايين - [00:00:20](#)

النهاردة عشان نقول لكم يا بختكم والله. يا بختكم وجزاكم الله كل خير عن تعليمكم لاطفال المسلمين جزاكم الله كل خير. انتم بنائين. يعني انتم ممكن يتقال عليكم كده صناع الحياة. بازن الله سبحانه وتعالى. يعني جاي اقول عليكم ان انتم اصطفيتوا من الله - [00:00:40](#)

سبحانه وتعالى. شوفي انت الوقتي يعني المنزر الجميل اللي انا شايفه ده اللهم بارك. شف انت دلوقتى كم واحدة نايمه لحد دلوقتى مش هتصحى غير الظهر في بيتها وكم واحدة صحت ولكن بتجري في دنيا. انت وربنا من بعد الفجر بيجاريكي على كتاب ربنا. وبيجاريكي على خدمة كتاب - [00:01:00](#)

وبيجاريكي على نشر حفظ كتاب ربنا. وتعليم اطفال المسلمين كتاب ربنا سبحانه وتعالى. عشان كده يعني عايز اقول قل ان يعني جزاكم الله كل خير على تعليم اطفال المسلمين. ويا بختكم بكل حرف هتعلموه لطفل. او هتبقي سبب لتعليم طفل له. يعني حتى - [00:01:20](#)

اللي معنا انت سبب ان طفل او طفل يتعلم القرآن. طول عمره الحرف اللي اتعلمه بسبب كل ما هيقرأه طول حياته في صلاة في اي حاجة يكتبه يقرأه في ميزانك انت شريكة له في الاجر باذن الله سبحانه وتعالى. يعني عايز آا اقول لكم النهاردة كلمة كده - [00:01:40](#)

الالوان بتاعتها رؤوس شيبان ورؤوس عليها التيجان. رؤوس شيبان ورؤوس عليها التيجان. اول كلمة واول رسالة عايز اقولها لكم. معلمات القرآن الكريم ومحفظات القرآن الكريم. والقائمين على خدمة القرآن الكريم. والقائمين على ادارة هذا المكان - [00:02:00](#)

المبارك اول حاجة عايز اقولها لكم لازم تعرفي وتقدري قيمة الثغر اللي ربنا حطك عليه. انت دلوقتى جدية من جنود ربنا سبحانه وتعالى قيمة الثغر اللي ربنا اداه لك. وقيمة الثغر اللي ربنا وقفك عليه سبحانه وتعالى. يوم القيامة الطفل اللي عنده سنة والراجل اللي عنده مية سنة - [00:02:20](#)

انا الاتنين رؤوسهم شيبة. الطفل يوما يجعل الولدان شيبا. طب الكبار اذا كان الطفل لما لوش صحيفة ولا له صراط ولا له اوه ميزان ولا له صحيفة اعمال. ولا مكلف انه يقف ما بين الجنة والنار. ولا له قنطرة لان ما عليهوش حقوق عباد. رأسه - [00:02:40](#)

وتشيب من احوال يوم القيامة. امال انا عايزك اقول لك امال الكبار هيعملوا ايه؟ او مال اللي بلغوا وكلفوا زيننا هيعملوا ايه؟ فيوم القيامة الرؤوس الرؤوس شمال في وسط الشبان دي تلاقي واحدة ماشية وواحد ماشي على رؤوسهم التيجان جابوا التيجان دي منين؟ ده دول اللي - [00:03:00](#)

شوفوا كتاب ربنا سبحانه وتعالى. الرسول عليه الصلاة والسلام يقول فيعطى الملك في يمينه ملوك يوم القيامة اكثر حاجة عجيبة في

الاحاديس دي كلها ان ده يوم يوم القيامة اذا كان ده تكريم ربنا لكم يوم القيامة. امال في الجنة بقى ربنا يعمل ايه؟ فيعطى الملك بيمينه ويعطى الخلد - [00:03:20](#)

شماله ويلبس تاج الوقار. ده اول تاج بيلبس بسبب القرآن يوم القيامة. حديس تاني للنبي عليه الصلاة والسلام فيقول القرآن يا رب حله يا رب خليه النهاردة خليه النهاردة احلى واحدة في ارض المحشر كلها - [00:03:40](#)

بس تاج الكرامة. ده ده تاني تاج. التاج في اللغة هو الذي يعدل اللبس على رؤوس الملوك والملكات. ده اللي الملوك والملكات بيلبسوهم ويبقى من الذهب والمجوهرات الخالصة. فيقول القرآن يا رب حليه. في لبس تاجر كرامة. فيقول القرآن يا - [00:04:00](#)
يا رب زده في لبس حلة الكرامة. فيقول القرآن يا رب ارض عنه. طب ما ربنا هيرضى عن اهل الجنة ويحل عليهم رضواني بس ده في الجنة. ده ده من يوم القيامة من ارض المحشر. وهو بياخد حاجة من النعيم. عارفة اسم النعيم ده ايه؟ عارفين يا اخواتنا - [00:04:20](#)

سمات المباركات الفضلات البطلات والله العزيز بطلات. فضل ومنة الله ربنا يمن عليكم بهذه النعمة وما يحرمكوش منها ابدأ. ويا رب لكم وولادكم زي ما بتربوا ولاد المسلمين. ويبارك في بيوتكم واسركم وازواجكم. زي ما انتم بتنشروا بركة القرآن في بيوت المسلمين - [00:04:40](#)

ويعينك على حسن التبعل لزوجك. واللي مش متزوجة ربنا يرزقها يا رب اكرم زوج. زي ما انتم بتعلموا الناس القرآن الكريم ربنا يجعل بركة هذا العمل العظيم اللي انتم بتعملوه. يا بطلات نشر القرآن في امة محمد. ربنا يملئ بيوتكم البركة. زي ما انتم - [00:05:00](#)
تملوا بيوتنا كلنا وبيوت المسلمين بالبركة. الله شكور. واللي انت بتعمله عشان دين ربنا. ربنا هيعمل لك اللي احسن منه. معك بازن الله سبحانه وتعالى فتخلي كده بقى فيقول فيقول يلبس الوالدان حلة الكرامة يوم القيامة. فيقولان يا حلة لا تقوم الارض لمثلها - [00:05:20](#)

ولا في الدنيا كلها حلة زيها فيقولان يا رب بما هذا؟ احنا الاكرام الرهيب اللي احنا فيه ده ليه؟ فيقول بتعليم بكم ولدكما القرآن او باخذ ولدكما القرآن. يعني انت الوقتي ان شاء الله شريكها في الاجر. زي الام - [00:05:43](#)
الاب لان انت اللي بتعلمي القرآن. وزوجك اللي محتسب على الله نزولك لتعليم اطفال المسلمين القرآن. ان احتسب على الله ان شاء الله شريك لك في الاجر تخيلي بقى انت ممكن يوم القيامة في وسط الرؤوس الشبان ديت انت تجدي على رأسك التيجان بسبب هذا الثواب - [00:06:03](#)

العظيم يعني فاكرين الشيخ عامر رحمه الله اللي اسمه مكتوب على المصحف رئيس لجنة المصحف في مجمع الملك فهد المصحف الشريف لما صوته ذهب وكان بيعلم الطلبة في اخر حياته بالاشارة يعني بالصوت اللي طالع من غير - [00:06:23](#)
تميز في ان في اخر عمره اخر ثلاث تيام في حياته عاد له صوته. وختم القرآن من الفاتحة الى الناس بكرامة الله القرآن فضل ومنة الله سبحانه وتعالى. القرآن يا جماعة يعني سبحان الله احد احد الناس ابتلي كان هو طبيب ابتلي بشلل في - [00:06:43](#)
العمود الفقري عنده فيروس كده وتآكل النخاع الشوكي. النخاع الشوكي خلايا عصبية لا تتجدد. اي خلايا في الجسم تتجدد الا الخلايا العصبية خلاص ده هيتشال طول عمره واحد من زميله دخل عليه زروفه في المستشفى بيقول مش عارف اقول له ايه. قال له ده ربنا اكرمني انه فرجني لحفظ القرآن. فضل - [00:07:03](#)

سنة الله سبحانه وتعالى. فخرج زميله مش مصدق ان فيه حد عنده حسن ظن بالله قد كده. وفاهم ان الابتلاء ده ممكن يبقى تصحيح مسار حياته يقول سافر برة عشان يحضر دراسات عليا. رجع لقي صاحبه اللي مشلول اللي النخاع الشوكي بتاعه بيتآكل. لا في قسم التأهيل. قسم التأهيل ده - [00:07:23](#)

علموه ازاى يمشي. يعلموه ازاى يمشي ازاى اصلا مستحيل خلاص. ده المفروض يعيش مشلول طول حياته. بيقول سافرت مرة تانية ست شهور اكمل دراستي العليا برة. ورجعت بيقول خارج من مسجد لقيت واحد بيناديني. بيص لقاها صاحبه اللي كان حصل له تآكل في النخاع الشوكي. ومش بيقول له الحمد لله ربنا - [00:07:43](#)

فادي ومشييت على رجلي يقول له الحمد لله ختمت القرآن في فترة المرض بتاعتي. ختم المصحف بفضل ومنة الله سبحانه وتعالى.
يعني تخيل تخيلوا بركة القرآن ممكن تعمل ايه في حياتك؟ ممكن ربنا يملئ حياتك كرامات قد ايه؟ لا انسى لما كانت زوجتي ربنا يا رب يعينها كده ويستخدمها - [00:08:03](#)

زي ما استخدمكم كده كانت زوجتي بتعمل مجموعات تحفيظ قرآن لشابات الجامعة في البيت عندنا. فحلمت حلم فبتقول لي انا حلمت ان فيه في الصلاة اسد. فبتقول لي احنا رايعين جايين ومش مرعوبين منه رغم انه اسد مرعب. فبتقول لي ايه ده! قلت لها ده حفظ من الله لنا في البيت - [00:08:23](#)

بسبب تعليمك للقرآن. ده ده حاجة مش ضدنا ده ده حاجة لنا. حفظ من الله سبحانه وتعالى لنا آآ بسبب تعليمك لكتاب فتعليمك لكتاب الله ده عطاءات ربنا به ايه؟ ولكن هي دي النقطة الثانية بقى اللي انا عايز اتكلم فيها. النقطة الثانية اتأمرون الناس بالبر؟ اوعي - [00:08:43](#)

اوعي تكوني بتعلمي القرآن وانت احوالك مع القرآن انت نفسك مش كويسة. اوعي تكوني بتعلمي القرآن وانت نفسك ما انتيش مقدرة قيمة القرآن في حياتك فاتك وتلاوة القرآن وقيام الليل بالقرآن. وانت نفسك ما يكونش لك حظ من كتاب ربنا. اوعي تأمري الناس بالبر وتنسي نفسك - [00:09:03](#)

ابن مسعود يقول اسفر الناس مش اصفر الناس اللي لابس لون اصفر. اصفر الناس يعني صفر على الشمال ما لوش قيمة في الحياة. الذي ليس في فيه شيء من القرآن. آآ يعني اللي ما فيش جواه وما فيش في بيته شيء من القرآن ده اصفر البيوت واسفر ان الصفر على الشمال. فاوعي يبقى - [00:09:23](#)

انت ما فيش جواك قرآن وكلام ربنا سبحانه وتعالى. عشان كده قال رسول الله صلى الله عليه وسلم الذي ليس في جوفه شيء من القرآن كاليه؟ ها؟ كالبيت الخرب خرابة الزي ليس - [00:09:43](#)

ليس في جوفه طب ليه النبي عليه الصلاة والسلام ما قالش الذي ليس في قلبه او الذي ليس في صدره شيء من القرآن ليه يشوفه والله اعلم لان كان النبي عليه الصلاة والسلام بيشير ان الانسان اصلا انسان اجوف. عارفين حديس لما الشيطان قعد يطوف حوالين ادم وهو لسة طين قبل ما ينفخ فيه الروح. فوجده - [00:09:59](#)

اجوف فعلم انه خلق خلق لا يتمالك. اجوف يبقى مش مش انسان صمد مش صامد. ما يقدرش اسقط قدام الشهوات زي الشباب الوقتي وقاعدين يرقصوا قدام الكورة. زي الشباب اللي واقف وهم قاعدين يتفرجوا على الكليات الوحشة والمناظر السيئة زي البنات دلوقتي وهي كل ما ينزل - [00:10:19](#)

الموضة تتبعها هو فيه ده خواء. ده جوفائية. فالنبي عليه الصلاة والسلام كانه اشار الى ان الخواء اللي جوانا لا يملأ الا القرآن. الجوفائية اللي جوانا لا يملأها الا القرآن. فالانسان وهو انسان اجوف مش مليون بالقرآن كالبيت الخرب - [00:10:39](#)

خرابة الخرابة لا يسكن فيها الا العقارب والحيات. انسان قلبه وانسانة نفسيتها من جوة مليانة امراض قلوب امراض نفوس. انا الكبر عقب غل حقد مليانة من جوة مشاكل. الشيطان متسلط عليها والعياذ بالله. ليه؟ لانه ليس في جوفها شيء من القرآن - [00:10:59](#)

يبقى النقطة الثانية يا جماعة النقطة الثانية اوعي اوعي تأمري الناس بالبر وتنسي نفسك. اوعي تنسي علاقتك بكتاب الله وتعالى اوعي تنسي علاقتك بالقرآن العظيم المجيد. عايزين نعرف قيمة الثغر اللي ربنا وقفنا عليه. قيمة العمل العظيم اللي - [00:11:19](#)

بنستعملكم كلكم فيه. سواء ادارة. سواء محفظات. سواء معلمات. سواء دادات. سواء كل من خدم ان طفل يحفظ كلام ربنا. وطفلة تتعلم دين ربنا فهو بطل من ابطال الاسلام. وكله شركاء في الاجر. ما فيش فرق - [00:11:39](#)

بازن الله في السواب ما بين يعني انا دلوقتي جاي ادي الدرس اللي زبط لي المايك اللي انا باتكلم منه ده ان شاء الله شريك لي في الاجر. الكل يوصلني بالعربية من المنصورة لحد عندكم هنا. ده ان شاء الله شريك لي في الاجر. كل واحد احتسب هو شريك في الاجر. يعني فيعني فدي نقطة - [00:11:59](#)

مهم جدا ان احنا نحتسب على الله. قال تعالى الذين اتيناهم الكتاب يتلونه حق تلاوته. يبقى اولئك يؤمنون به. اللي عيبه اهل اتلاوة

للقرآن صح وقال اتباع للقرآن صح هم دول اللي بييقوا اهل الايمان. القرآن هو طريق الايمان. قال رسول الله صلى الله عليه وسلم خيركم - [00:12:19](#)

خيركم يا امة محمد. من تعلم القرآن وعلمه. يبقى انت تتعلمي القرآن عشانك. وتعلميه عشان اطفال المسلمين من خير هذه الامة وتلاقي نفسك باذن الله في الفردوس الاعلى مع النبي عليه الصلاة والسلام. اسأل الله ان يرزقنا الفردوس الاعلى. اسأل الله ان يرزقنا صحبة النبي - [00:12:39](#)

محمد عليه الصلاة والسلام. والنبيين والمرسلين والصديقين والشهداء والصالحين في اعلى الفردوس الاعلى. وان يمتعنا بالنظر في الى وجهك الكريم يا رب. النقطة الثالثة النقطة الثالثة اوعي تبقي بطة برة بيتك ومش بطة جوة بيتك. اوعي يبقى خروجك برة بيتك بهذه البطولة - [00:12:59](#)

وهذه الكرامة وهذا العمل العظيم وهذا الاصطفاء من الله. اوعي ربنا يصطفيك برة برة بيتك وما يصطفيكيش جوة بيتك. اوعي يكون اطفال من سعداء بك واطفالك انت مش سعداء بك. اوعي يكون بيوت المسلمين واسر المسلمين. سعداء بك. ويكون - [00:13:23](#) جوزك انت نفسه مش سعيد بك. اوعي تكوني بارة بالاسلام برة بيتك. وما انتيش برة بالاسلام جوة بيتك طب انا اعمل ايه؟ مش مقدرين مسئولياتي برة. لا لا لا. مش عايزين نقول كده بقى. مش عايزين نقول كده. ده انت انسانة مؤيدة من الله. وايدك - [00:13:43](#) قم بروح منه بروح من في روح معنوية جبارة في حياتهم. العلماء لهم خمس اقوال. ايه الروح دي! من ضمن الاقوال القرآن. يعني انت انسانة المفروض ترجعي بيتك عندك روح معنوية عالية. بعد ما ارتبطت بالقرآن وعلمت اطفال المسلمين. وحسيت بانك صاحبة رسالة وصاحبة قضية في زمن - [00:14:03](#)

في زمن الخواء وفي زمن الجوفائية. انت ترجعي بيتك بقى تكلمي الرسالة بتاعتك مع ولادك. واهم حد في البيت زوجك باذن الله سبحانه وتعالى حسن التبعل للزوج يجعلك مع المجاهدين في جنة الرضوان. في الفردوس الاعلى. يبقى يبقى البطولة احنا عاملين - [00:14:23](#)

حاجة كده اسمها المعهد القرآني الدعوي على النت. يعني بقول لاخوانا في الادارة بقول لهم ان شاء الله لما نيجي نفتح دفعة جديدة كل واحدة متزوجة كل ترم تجيب لنا من زوجها شهادة ان دراستها معنا وعملها في الدعوة معنا لم يؤثر على - [00:14:43](#) حسن تبعلها لزوجها. طب ازاى؟ ما هو انت دلوقتي بتتنافسي على فردوس الاعلى. مين قال ان انت دلوقتي تقولي انت مطلوب تبقي بطة جوة وبرة. طب اقدر اجمع ازاى؟ الله - [00:15:03](#)

لا يزال لسانك رطبا بذكر الله. وانت واقفة في المطبخ تطبخي عشان ييجي معية الله معك. وييجي تأييد الله معك. ربنا ربنا هيساعدك. ما تقلقيش ولكن لازم يبقى عندك الهمة دي. وعندك الطموح ده وعندك الالفق ده عشان تيجي تلاقى - [00:15:13](#) امسك مع المجاهدين في الجنة لانك مجاهدة في نشر القرآن. ومع المجاهدين في الجنة لانك احسنت التبعل لزوجك. خدي بالك انت ابواب الجنة جوة بيتك لا تقل بل تزيد عن ابواب الجنة برة بيتك. ليه؟ الزوج حسن تبعل المرأة لزوجها يعدل الجهاد في سبيل الله - [00:15:33](#)

طيب المرأة اللي بتاخذ الثانية على البشرية. وهي بتسابق النبي عليه الصلاة والسلام على الفردوس الاعلى. فيقول لها النبي عليه الصلاة والسلام متعجب يقول لها من انت؟ تقول انا امرأة قعدت على عيال لي. انا ربيت اولادي احسن تربية وفرغت عمري لولادي. الله! يعني انت ولادك يدخلوك مع الانبياء وجوزك يدخلك مع - [00:15:53](#)

مجاهدين. طب انا الوقتي في نفس الوقت عايز اشتغل في الدعوة الى الله. وانال شرف الدعوة الى الله. ونال شرف نصر الله امرأ. سمع مقالتي استوعاها ثم اداها ونال شرف لان يهدي الله بك رجلا واحدا. خير لك من حمر النعم. ونال شرف تربية اطفال المسلمين - [00:16:13](#)

ونال شرف نصره دين الله وعز الاسلام في الارض. وبكرة الطفلة دي تبقي داعية. والطفل دا يبقي طيب. والطفل دا يبقي مجاهد والطفلة دي تبقي عالمة والطفل ده يبقي صوام قوام. وكل ده في ميزاني. انا اللي زرعت في قلوبهم الايمان. انا عايز انال الشرفين.

يبقى - 00:16:33

لازم تبقي على قد المهمة لازم تبقي على قد المهمة لازم يا اخواننا احنا بازن الله سبحانه وتعالى عايزين نبقي ناجحين في دينتنا وناجحين في دينا يبقى لازم بنتك تبقي غير عزيمة الناس وارادتك تبقي غير ارادة الناس من الايات اللي بتهزني دايمًا قول الله سبحانه وتعالى عن امرأة العزيز وراودته - 00:16:53

التي هو في بيتها عن نفسه راودته. لما بدأت ادور في اللغة يعني ايه رواداتهم؟ فالقول المشهور عندنا ان من المراودة من الروضان يعني تغريه تروح وتيجي قدامه تغريه. لقيت ان فيه معاني جبارة في اللغة لهذا اللفظ - 00:17:13
من معاني اللفظ في اللغة الارادة راودته راودين الجزر اللغوي بتاع كلمة الارادة. من الارادة انسانة عندها همة. انسانة لما سافرت اوغندا لقيت هناك اوروبيين اوغندا بلد الماريا. يعني الواحد بعد ما جه يعني ربنا سبحانه وتعالى امتحن الواحد كده بابتلاء الماريا مرض قاتل - 00:17:33

ثم اوروبيين رايحين بتعملوا ايه وانتم عندكم المجد والدنيا في اوروبا رايحين يدعوا للتصير لدينهم. تلاقي ممكن هناك امرأة اوروبية جميلة انت بتعملي ايه في وسط المستنقعات وفي وسط الماريا وفي وسط الناموس اللي ما تعرفيش تعيشي هناك منه وفي وسط ما فيش كهربا - 00:17:53

من المغرب الدنيا خلاص ما فيش صوت ما فيش صريخ ابن يومين. تخيلي انت المنزر الرهيب ده انتم جايبين تعملوا ايه؟ جايبين ينشروا الرسالة بتاعتهم اهل المعصية عندهم ارادة. امرأة العزيز صفحتين في القرآن ربنا بيوصف همتها عشان تدعو - 00:18:13
او واحد لمعصية انت همتك ايه عشان تدعي الى الطاعة. دي همة اهل المعصية في نشر المعصية. همتك انت ايه في نشر الطاعة. شف ربنا ابو يوسف وهي عايزة تنشر المعصية وسط النسوة. وربنا يقول ارسلت اليهن اعتدت لهن متكأة اعتدت - 00:18:33
العتاد ده بييجي مع الجهاد يقول لك العدة والعتاد اعتادت لهن متجهة بتخدرهم بقى وبتجيب لهم اكل عشان خرج يوسف عشان تفتنهم زي ما هي اتفتنت دا واحدة حاطة خطة لافساد نساء دولة. دا واحدة بتفسد دولة عشان ما تبقاش هي واحدة الوحيدة - 00:18:53

كده في هزه الدولة واتت كل واحدة منهن سكينه وقالت اخرج عليهن المتوقع كانت تقول اخرج عليهن ولا ادخل عليهن ادخل ده هم قاعدين في قاعة ادخل. انما اخرج يقول لك الخروج على الدولة. الخروج دي ده لفظ عسكري. ده بتحارب ده واحدة مستشعرة - 00:19:13

وهي بتفسد نساء امة. دي همتها. انت همتك ايه؟ ده طول نفسها. انت طول نفسك ايه؟ لازم تبقي الصلاة ما دام ارتبطت بالقرآن انت غير مخيرة انك تبقي ان شاء الله بازن الله جوة بيتك وبرة بيتك. انسانة مميزة عشان يوم القيامة ربنا بيدك النعيم اللي - 00:19:33
عليه دلوقتي رؤوس شيبان ورؤوس عليها التيجان. يعني ايه التتويج يوم القيامة؟ يعني ايه ملوك يوم القيامة قائم التميز. مش بس نعيم الفرحة والبهجة والعطاءات الربانية. واللذة والمتعة والسرور والفرح - 00:19:53

عادة والبهجة فينا عين ثاني اسمه نعيم التميز. واحد يدفع خمسة مليون جنيه في عربية. ليه يا ابني؟ ما في عربيات تحفة وبمتين الف وتلتميت الف قال لها لا لا لا لا عشان ابقى ماشي كده. انا حاجة والناس كلها حاجة. ايه دي؟ اسمها نعيم التميز. النقطة الاولانية دول - 00:20:13

قلنا اعرفي قيمة الثغر اللي ربنا استعملك عليه. واعرفوا ان انتم كلكم شركاء في هذا الاجر باذن الله سبحانه وتعالى وفي الثواب بتاع الثغر اللي انت عليه. واعرفي فضل ما انت عليه. واصطفاء ربنا لك. النقطة الثانية قلنا اتأمرون - 00:20:33
الناس بالبر وتنسون ايه؟ وتنسون انفسكم. اوعي يبقى انت حالك مع القرآن انت نفسك وحش. اوعي يبقى انت تلاوتك للقرآن وفتحك للمصحف مش كويس على قد ما انت هتنوري بالقرآن على قد ما هتنوري حياة اطفال المسلمين بالقرآن. النقطة الثالثة - 00:20:53
وهي اوعي تبقي بطة برة بيتك وما انتيش بطة جوة بيتك. اوعي تنسي بيتك الاولوية لبيتك. وانا عارف عارف كويس جدا جدا انتم قلوبكم متعلقة بالثغر اللي ربنا استعملكم فيه قد ايه. انا عارف كويس اوي جدا انت قلبك ملهوف - 00:21:12

يتضرع لربنا يا رب لحد ما القاك خليني على الثغره وما تحرمينيش منه قد ايه. انا عارف عشان كده انا باكد عليك جوة بيتك ليه ؟
وبقول لك بيتك ده رقم واحد في حياتك ليه ؟ لانك عايزة ربنا يديم عليك النعمة اللي انت فيها دي اوعي بيتك يتأسر. لو بيتك اتأسر
- 00:21:32

اللي انت فيها ده ايه وتحفيزك للقرآن هتلاقي زوجك بدأ ينكد عليك وهتلاقي ولادك بيصوا لك بصات حرمان ويقولوا لك يا ماما
يعني المصحف اغلى منا انت يا ماما احنا كنا بنحب المصحف. انت بدأت تخلينا نتضايق لما نشوفك ماسكاه. يا ماما احنا لنا حق
عليك. احكي لنا فهمينا. حل لنا الواجبات - 00:21:52
يبقى يبقى اذا اوعي اوعي اوعي ما تبقيش جوة بيتك احسن منك برة بيتك. الرسالة الرابعة احتسبي على الله الاصطفاء اللي ربنا اداه
لك. آآ انتم داعيات الى الله. يعني انت دلوقتي في الدين. اسمك ايه؟ انت اسمك داعية الى الله. اللي انا بعمله ده انا - 00:22:12
ده انا بحفظ قرآن انت اسمك داعية الى الله. انت الان مربية من المربيات. التربية دي سنة الانبياء. احتسبي على الله. ان حل الامة دي
وانقاذها الامة ديت ان الدعوة الى الله تعود وان وان كلنا نبقى دعاة مرة تانية. لو عشرة في المية من نساء الامة بقوا زيكم. الام -
00:22:32

فلسطين هتتححرر. لو عشرة في المية من رجاله الامة وشباب الامة بقوا زيكم فلسطين هتتحرك. فانت عشان كده احتسبي على الله
سبحانه تعالى انك انت رافعة راية الدعوة الى الله من الايات اللي بتربع قلب الواحد رعب والله يا جماعة. من ولا طالب في الكلية.
من الايات اللي بتربع - 00:22:52

قلب الواحد وغيرت مسار الواحد في حاجات كتير جدا. قول الله سبحانه وتعالى وان يونس لمن المرسلين. اذ ابق الى الفلك المشهود
كنت اقرا الاية ديت لما اسمعها في الصلاة اترعب. يا رب يونس النبي العظيم ترك الدعوة مرة. مرة - 00:23:12
ربنا خلى الحوت يلتقمه وسماه ابق. قبق ده العبد الهارب من سيده. امال احنا واحنا سايبين الدعوة ليل نهار. امال احنا واحنا شايفين
منكرات في كل حنة ولا نغير ولا ندعو الى الله ولا نتكلم. يبقى احنا وصفنا ايه؟ واحنا احوالنا ايه؟ وان يونس - 00:23:32
المرسلين اذ ابق الى الفلك المشحون فساهم فكان من المتحضين. ساهم لما السفينة جت تتقلب بقى وهتغرق رموا كل البضائع برضو
لسه هتغرق قالوا يبقى في واحد وسطنا هو السبب في اللي احنا فيه. عملوا قرعة طلع يونس. عملوا قرعة تانية طلع يونس. عملوا
قرعة تالته طلع يونس رمى نفسه في - 00:23:52

المائة قدام عينهم الحوت التقموا وبلعوا فضل في بطن الحوت تلت تيام وسط الانزيمات الهاضمة بتاعة بطن الحوت ولكن ربنا لم
صلة هذه الانزيمات على جسمه انما خرج جلده عامل زي جلد الطفل المولود. قال لك نبذناه بالعراء وهو سقيم زي الطفل اللي لحمه
لسه ني - 00:24:12

لا يستطيع ان يهش الذباب عن نفسه. عشان كده ربنا انبت عليه شجرة من يقطين. عشان الورق بتاعها يغطيه. وعشان ربنا يحميه لانه
خرج انسان في بطن حوت وسط اعصارات هاضمة في عصارة هاضمة بقى له تلات تيام. وقوست كل ده الله اكبر قاعد يصلي تلت
تيام - 00:24:32

بيستغيس بالله ويجهر الى الله. لا اله الا انت سبحانك اني كنت من الظالمين. همة جبارة في التوبة الى الله. ربنا سبحانه وتعالى
بيقول فلولا انه كان من المسبحين لبث في بطنه الى يوم يبعثون. المفسرين قالوا يعني ايه لا لبث في بطنه الى يوم يبعثون؟ قالوا
اي - 00:24:52

صار بطن الحوت سجنا وحبسا له الى يوم القيامة. فيبعث الناس يوم القيامة من القبور ويخرج هو من بطن الحوت. يعني كان حبس
مدى الحياة. وسجن مدى الحياة في بطن الحوت الى يوم القيامة. تخيلي عشان ساب الدعوة الى الله مرة! امال - 00:25:12
ده بقى وتقصيرنا في الدعوة الى الله. فاللي انت بتعمله هنا انت بتترفعي عن نفسك اثم ترك الدعوة الى الله. انت واقفة على فغر. يوم
القيامة لما تقفي بين ايدين ربنا - 00:25:32

تقولي له يا رب يا اكرم انت اكرمتني واستعملتني على فهم. من ثغور الدعوة الى الله. اثبتوا على هذا الاصطفاء. ربنا يبارك فيكم

بيسدكم انا مش عايز اطول عليكم. اه اه يعني بفضل ومنة الله الاربع نقط دول انا كان نفسي ان انا اوصله لكم. وكان نفسي ان احنا نتذكرهم مع بعض - [00:25:42](#)

وبفضل ومنة الله سبحانه وتعالى ربنا من علينا بهذا اللقاء ناس كتير اوي بتلتقي الوقتي في مؤتمرات آآ وحاجات ممكن تكون من امور الدنيا ربنا اللي جمعنا على الدين الوقتي وجمعنا - [00:26:02](#)

على القرآن الوقتي ان شاء الله بازن الله يجمعنا مع النبي صلى الله عليه وسلم في الفردوس الاعلى ويسقينا جميعا من يد النبي صلى الله عليه وسلم على حوضه الكريم - [00:26:15](#)

المتصل بنهر الكوثر في الفردوس الاعلى شربة هنيئة لا نظماً بعدها ابدا. بازن الله. اللهم اجعلنا من اهل القرآن. اللهم فيا ربنا اللهم اكسنا يوم القيامة بحلة الكرامة. اللهم يا ربنا اجعل على رؤوسنا التيجان. اللهم يا رب - [00:26:25](#)

فما حلنا بالتيجان يا ربنا حلنا بتاج الوقار وبتاج الكرامة. اللهم اجعل القرآن العظيم ربيع قلوبنا نور صدورنا وجلء احزاننا وذهاب همومنا. اللهم ارزقنا حفظ القرآن في صدورنا. اللهم اشرح - [00:26:45](#)

القرآن زكي نفوسنا بالقرآن اضئ قلوبنا بالقرآن. طهر سرائرنا بالقرآن. ايدنا بالقرآن اللهم استخرج منا ما يرضيك عنا. اقمنا على مرادك منا. اللهم قوي في رضاك عزمنا. رب زدنا علما. رب زدنا فهما - [00:27:05](#)

رب زدنا عزمنا. رب زدنا ايماننا وبقينا. اللهم بارك في هذا المكان المبارك. اللهم بارك في هذه البلدة المباركة. اللهم بارك في هؤلاء الاخوات المباركات. اللهم بارك يا ربنا في هذا المكان ومن فيه ومن يعمل فيه ومن - [00:27:25](#)

القرآن ومن تعلمه ومن تدرسه ومن يقومون على خدمة هذا المكان العظيم. اللهم بارك فيهم جميعا يا رب العالمين. الله اللهم اجعلنا من السفارة الكرام البررة. اللهم اجعلنا مع السفارة الكرام البررة. اللهم - [00:27:45](#)

فاجعلنا مع السفارة الكرام البررة. اللهم اجعلنا من اهل القرآن الذين هم اهلك وخاصتك برحمتك يا ارحم الراحمين. اللهم اصلح لنا بيوتنا. اللهم يا ربنا رب لنا اولادنا. اللهم اصلح لنا ذرياتنا. اللهم رب لنا اولادنا - [00:28:05](#)

اللهم اصلح لنا بيوتنا. اللهم اصلح لنا اسرنا. ربنا هب لنا من ازواجنا وذرياتنا قرة اعين واجعلنا للمتقين اماما. سبحانهك اللهم وبحمدك. اشهد ان لا اله الا انت. استغفرك واتوب اليك - [00:28:25](#)